

四庫全書

集部

欽定四庫全書

集部

文苑英華卷五百八十五
三五

詳校官給事中臣李臺

助教臣常循覆勘

總校官進士臣朱鈐

校對官中書臣胡紹基

謄錄監生臣熊夢祖

欽定四庫全書

文苑英華卷五百八十三

宋 李昉等 編

宰相雜謝二

為宰相謝至尊為蒼生祈福表一首

為李右相謝上上考表一首

為宰相謝賜竹扇表一首

為趙公謝賜金石凌表一首

為盧相公謝恩并謝罷官養疾表一首

代賈相公謝賜馬及銀器錦綵等表一首

代武相公謝槍旗器甲鞍馬表一首

代武相公謝借飛龍馬表一首

代鄭相公謝賜戟表一首

代集賢崔相公謝賜官誥表三首

代宰相謝宣示白野鵲表一首

代宰相謝宣示白雀白鸚鵡表一首

代宰相謝賜布帛表一首

代宰相謝降朱書御札表一首

代史館王相公謝令樞密使宣諭奸邪表一首

為宰相謝至尊為蒼生祈福表

玄宗

孫逖

臣等伏見太常寺祝王璵奏陛下自臨御以來未嘗不
四更已後夙興盥漱為蒼生祈福每遣公卿方士巡祭
川岳祝文虔誠御札親署曾無一字自為聖躬伏請自
今以後聖心徇物俯垂矜允下情獲展品物同歡伏以

虞后浚明但聞恭己周王盱食亦謂憂人未有精意妙
門勤祈道寶勞聖躬於夙夜移景福於蒼生遂以為常
久而無倦肇自開闢未嘗覩聞雖覆燾之恩豈求報於
芻狗而生成之類願効祝於封人天聽不違民心載悅
况在臣等特荷殊私莫測神功空慙帝力無任忻慶之
至謹奉表陳謝以聞

為李右相謝上上考表

臣今日伏奉恩旨垂賜上上考并辭捧讀兢惶戰汗交

集臣謬以庸薄久塵樞近承奉明命述宣聖謨罪戾猶多涓埃何補豈悟天心善誘宸眷殊常垂翦拂於德音踰涯越分降恩私於考績超等邁倫雖承含垢之慈終多覆餗之懼無任慙悚之至

為宰相謝賜竹扇表

高力士至奉宣恩制各賜臣等竹扇及聖贄賴

疑作賚

以

器用俯矜於煩暑博以文章更垂於光拂殊私備及自昔未聞臣等經生謬膺大任雖罄心勵節徒有慕於脩

篋而淺謝

疑作識

薄材何足當於睿藻外榮天錫內愧御

題善誘之恩則深負乘之責彌懼何以對越休命奉揚
玄風捧對兢惶罔知攸措不勝感戴之至謹奉表陳謝
以聞

為趙公謝賜金石凌表

權德輿

臣憬言伏奉恩敕賜臣金石凌并方及服法并金花銀
合一又賜臣蘇膏方及眼赤有瘡方其方皇太子書者
鴻私榮貺特發天心受恩拜賜慙怖交集中謝臣聞台

司之任茂遂羣生而攝衛乖宜自貽病疾理身未暇賦
政何堪豈謂上簡宸衷下矜賤質御方靈藥稠疊寵光
劑和至精減聖躬所服翰墨玄妙降皇儲之書仰光輝
而陋目增明承渥澤而沉疴自愈致金石之固通性命
之和保持誨諭曲盡慈旨蠲其煩滯授以康寧省己何
功害盈知懼伏惟陛下宣布大和則時無疵癘懋建大
中則物以阜安生及昌期自登壽域况臣劣薄待罪樞
衡感平施而已深荷殊榮而難報雖陰陽不測犬馬之

疾頓瘳而日月無私螢燭之光何補生成覆露皆稟睿
慈竭力致命豈申愚效無任感恩惶懼之至謹奉表陳
謝以聞

為盧相公謝恩并請罷官養疾表

德宗

高 郢

臣邁言今月十四日以在假百日進狀上聞某日中使
某奉宣進止令臣在家將養損日朝叅者力疾受恩慙
懼交集中謝臣病滿百日法當罷免恩自九天優以賜

告伏念手足餘疾運用未平風毒常作療除多久臣今
若卧叨厚祿坐待全療豈惟日月易淹實亦思私過幸
且台輔為任周行所瞻臣匪服以居既貽官謗沉疴不
退又廢公法夙夜循省心愧靡寧雖宸慈曲臨有所不
忍而王道平施則惟無私臣既內懷尸曠之慙外迫支
體之慮竊恐所攻非一望損彌遠徒闕遵常之典增延
憫下之仁如蒙特恩俯遂微懇得從解紱專一就醫則
冀形羸兩安物議皆息全度之澤於此為深無任感恩

之至謹奉表陳謝以聞

代賈相公謝賜馬及銀器錦綵等表

權德輿

臣耽言今日中使某奉宣進止以臣所進闕內隴右圖
錄十卷特賜馬一匹并銀瓶盤等若干事錦綵等若干
疋者承命抃舞震驚失圖伏以聖朝覆幬無私聲教遠
被雖夏書禹貢周制職方重譯所通未若今日臣以末
學舊奉昌期常好地理之書頗知河湟之事明徵舊史

博考傳

集作前

聞夙夜以思歲時遂久紀諸文字績以丹

青上塵聖聽庶備方志豈謂睿慈弘獎寵賚特深出珍
華於內府下駟駿於天廐恩榮所及煥麗相輝循顧庸
虛曲承蕃錫負乘匪服併切於今無任瞻恩荷戴之至

謹奉表陳謝以聞

貞元十四
年九月

代武相公謝槍旗器甲鞍馬表 呂 温

臣元衡言今日中使某乙至臣宅奉宣聖旨賜臣槍旗
器甲鞍馬并錦綵等禮殊其數物備其容肅以將威煥

以昭寵雲澤濡體天光照門抃駭失圖兢惶罔據臣某
誠荷誠感頓首頓首臣才無可取進不因人陛下憐其
小心知其盡節特紆宸睠謬委台司匡補之益無聞將

明之効靡著方俟嚴譴

集作蒙

忽被殊恩寄重西南任兼

中外封開大郡秩正黃樞登壇於六符之階被袞為三
軍之帥今古盛典盡在茲日人臣寵貴併

集作舉

集微躬

豈臣屬庸所克負荷非臣隕越所能上報重錦名馬玄
甲朱旗王事靡盬儼有行色天顏咫尺忽當遠離感戀

彷徨拜受涕泣

集作咽

折衝分閫媿非式遏之才榮耀

一作

曜自天猥辱專征之賜無任感恩激切之至謹奉表陳

謝以聞

代武相公謝借飛龍馬表

臣元衡言伏蒙聖慈借飛龍馬若干匹至京兆府界首

者臣謬處台司將明薄

集作無

効自忝方任恩禮特加獎

諭綢繆寵錫輝煥寒衣病藥悉出聖慈匹馬一人咸經御選遠覽圖史近徵耳目如臣蒙幸未見其倫實有何

功敢當斯遇盡節竭誠在臣子之本分殺身致命報君親之常道竟將何力上答殊私空保丹誠以致灰粉王程靡處天駟言旋仰服阜之有期恨違顏之方始精蒐自越顧步莫留權竒之姿向雲闕以驤首集作獨去恣欸之戀與星影而共馳瞻望天庭罔知所措無任感戴彷徨之至謹奉表陳謝以聞

代鄭相公謝賜戟表

見六百一十八卷

代集賢崔相公謝賜官誥表

錢珣

臣某言伏蒙聖慈賜臣某階某官食邑若干戶官誥一通者臣某中謝臣伏以周官所建冢宰是先進階陞之名增井賦以數重在彝典合為渥恩冒寵以來偷安而處不能退讓方懼滿盈詎謂陛下每顧舊章必加優禮雅誥既垂於綸綍侍臣忽降於宮闈五彩相鮮且成文於潤飾萬鈞比重幾無力以捧持聚族咸觀省躬何稱遭遇莫酬於君父寶藏空戒於子孫竊視權衡惟思砥礪臣某無任感恩荷聖激切惶越之至

同前

臣某言今月某日賜臣某官誥一通者臣某中謝臣敢
謂皇慈仍加霈澤固讓而丹誠莫遂退思而玄造寧耐
今者特降近臣一作異思遽臨私室琅函乍啓捧持空耀於

微躬寶軸載觀燦爛仍驚於衆目榮光併集舒卷不遑

難勝黼黻之文何補燮調之任唯當千慮以荷一作濟萬

幾見可而進之謀知無不為之力用禪至理庶奉休期
仰戴聖慈臣某無任省已感恩之至

同前

臣某言臣先蒙恩命授集賢殿大學士今月某日中使
至忽承霈澤降自重霄再披五色之文若戴千鈞之重
臣某中謝伏惟尊號皇帝陛下求衣待旦側席視朝方
致理於雍熙每仰成於輔相臣自慚竊位唯懼曠官未
獲避賢何堪假寵爰驚瑣質更被鴻私提玉鉉於中台
已憂公餗總石渠之秘署兼及一作羣才當文德之盛

朝實名儒之大任今者遽頒雅誥益示皇慈兼命王人

且臨私第琅函乍啓光凝紫府之烟寶軸潛舒潤帶金盤之露空知焜耀無報睿明臣某無任荷聖感恩兢懼之至

代宰相謝宣示白野鵲表

臣某等言今月某日高品張師道至奉宣聖旨示臣等涇州所進白野鵲者臣聞白為正色鵲實靈禽在五行而賦稟金精於衆鳥而有殊羽族臣其中謝伏惟尊號皇帝陛下應上天之道必順五行遂萬物之情非徒衆

鳥宜獲降祥之類以昭致理之心是以素翼流光丹眸
耀衆俄呈瑞質能弄好音應圖牒以自來詎網羅之所
得諸侯入獻史氏明書寧同集樹之鳥堪並紀年之雀
方開景運實契禎符臣某等謬膺皇猷竊觀神貺無任
賀聖歡抃之至

代宰相謝宣示白雀白鸚鵡表

臣某等言今月某日高品張徒一作從羽至奉宣聖旨示

臣某物者至化無私殊祥畢萃既光史策允叶元符臣

某中謝伏以西方主白金氣應秋故靈禽頻見於塞垣
玄貺實昭於人事遂使載飛之類皆呈受彩之姿以物
窺天知天感聖犬戎柔服必無犯於西方禾黍豐登將
有成於金象一作氣假慈毛羽降彼藩隅既來獻於帝居
獲同觀於公府何能翼戴徒荷休明臣等無任舞詠聳
抃之至

代宰相謝賜布帛表

臣某言今月某日中使某至奉宣聖旨賜臣布一千疋

絹二千疋者臣某誠哀誠感頓首頓首臣災集衰門禍
貽諸父執禮既循於經典成喪將服於冠裳何言臣子
之情必軫君親之念近効承命飛星忽降於重霄寵數
有章束帛載頒於內府哀榮曲被跪受難勝上感聖慈
臣無任涕泣惶越之至

代宰相謝降朱書御札表

臣某言今月某日中使某至奉宣聖旨頒示御札以貶
黜張道古事更令申誥中外者聖旨昭垂羣情胥悅臣

某中謝臣伏念元和中

一作年

吏部侍郎韓愈因陳佛骨

遂拜封章以為前古奉佛帝王年代尤促憲宗以人臣

去就乖忤非輕震怒所臨遂竄荒裔憲宗英主韓愈名

臣典記可行事無不順今張道古狂愚

一作替

所獻斥犯

非常凡曰在庭皆知難恕深弘睿哲且欲含容雖匿瑕之道則然於犯上之名斯重臣等請行譴逐陛下尚顧

物情宸翰所臨皇言曲被盡賀為君之盛咸知六德之

能捧戴聖慈如親丹宸臣某等無任銘篆兢越榮感之

至

代史館王相公謝令樞密使宣諭奸邪表

前人

臣某等言臣嘗讀漢史竊見上官桀桑弘羊皆惡霍光之忠於王室也欲奪其權遂詐為燕王上書言光將有非常之變而昭帝知其詭詐欲害賢良顯發怒言保明元輔識者以為漢昭之聰睿遠過周成臣等每閱其書實感其事以為後代不復有之今月某日獲延英奏事

親奉聖言且以陛下深懼艱屯欲清教化寤亂階於前
事窮蠹本於小人既以一作誅鋤方期屏絕而常有技
術賤微之輩班行險躁之徒潛結詭謀輒投邪隙且相
援引遂有諧傷間諜滋深根株甚鉅而聖心不動睿鑒
有融盡辨讒諛靡容交亂致臣於不疑之地知彼有禍
人之心且赫揚於斯必令懲革覲於左右永杜奸邪臣
等且懼且驚載思載感還至公府未知所安樞密使某
等又至中書備傳睿旨伏知是李遂劉達等共謀推薦

李潔秉政因此大惑天聽君臣之所難聞乾坤之所共
棄有李遂之奏肆志巧言而陛下不以為疑祇以為恕
凡所布諭必盡洪纖某等復宣陛下之言不惟保任臣
等兼欲擊斷此輩彰明我心臣等稟命而思激情以泣
自有邦國誰一 作 詎無君臣今此讒邪忍施陷穽密構於
一夫之口何術可知潛行於萬乘之前何人敢辨雖陛
下察之不惑隱之不言有此釁端加於輔相臣之寤寐
將至驚狂一旦親奉堯言俾行漢律使罪人斯得餘纜

一作除讒

自安復使微臣必無他慮食馱馱者未足為德喻

媒藥者未足為辭李遂輩擠臣於不測之谿陛下賜臣以援溺之手誣臣以難明之罪陛下諭臣以必信之言

彼昭帝之時漢家方盛霍光之辨且有詐書今李遂得

於艱否

一作苦

之朝進傾危之計宸聰之外孰可得聞

一作

明則臣等塗汙一浸江漢難濯歿為野土誰為叫閭不

有睿明焉知昭釋感入骨髓誓諸神祇千拜首以何為一剖心而始足惟當竭誠啓沃戮力弼諧盡毀家紓難

之謀繼圖國忘身之策尚疑丹悃未答皇私荷聖感恩
臣等無任抃蹈兢慄涕泣屏營之至

文苑英華卷五百八十三

欽定四庫全書

文苑英華卷五百八十四 宋 李昉等 編

藩鎮謝官一

藩鎮謝官表四卷英華所編失年代先後今正之

為西川崔僕射謝却赴劔南表一首

為夔州栢都督謝上表一首

為崔鄴公謝除鳳翔節度使表一首

謝除浙西節度使表一首

代郭子儀謝副元帥河中節度使表一首

代郭子儀謝兼河東節度使表一首

為陳大夫謝上淮南節鎮表一首

湖南觀察使謝上表一首

為荆南節度使謝恩表一首

為鄭儋尚書謝河東節度使表一首

為裴相公謝淮西節度使表一首

為馬揔尚書謝除彰義軍節度使表一首

河南節度使謝上表一首

謝除宣歙觀察使表一首

為昭義王大夫謝知節度觀察等留後表一首

為安平公謝除充海觀察使表一首

為西川崔僕射謝却赴劍南表 闕名

臣某言自中使馬承倩送臣却至所部漢州迴監軍中使孟遊仙等續發北面拜天南旋舊鎮望九門而彌遠顧三蜀而何情如丹之心具列前表庶明臣子之分以期君父之知臣某中謝臣四度興師每冬獻捷願將邊

事親達宸聰比恐三軍阻臣行計潛裝密辦亦既經年

上都贏糧傍路支費事皆前定誓衆遂行日望京闕一作

闕天威咫尺豈知時乖運末屬彼外虞徵發之期指縱

又切進退難處彷徨以還有心未明有口猶閉若撻之

耻空思於堯舜戀主之誠倍慙於犬馬臣知銜一作事

官王所傳遙自經驅使積有歲時言行為一作惟一作惟一作

為臣腹心當今切務具如別狀悉令密啓遠達由衷伏

乞聖慈俯迴神鑒仍賜容納許以畢辭天下幸甚天下

幸甚其有不載文墨更令附口奏聞皆是剗心所陳豈

為億

一作臆

中之說倘可裨補雖死猶生區區赤實敢希

萬一臣以今月某日却至成都乞整齊戎事即赴行營
兩藩動靜續冀聞奏衆星微象長拱北辰勺水細流盡
朝東海惟臣不及飲恨何言無任感戀屏營之至謹奉
表陳謝以聞

為夔州

集作府

栢都督謝上表

臣某言伏奉今月某日制授臣某官臣祇拜休命內顧

隕越策駑馬之力冒累踐之寵自數勛力萬無一稱再
三怵惕汗流至踵謹以某月日到任上訖臣某誠戰誠
懼頓首頓首死罪死罪伏惟陛下以君父任使之義掩
臣子不逮之過就其小效復分深憂察臣劔南區區恐
失臣節如彼加臣頻煩階級鎮守要衝如此勉勵疲鈍
仗揚陛下之聖德愛惜陛下之百姓先之以簡易間之
以樂業均之以賦斂終之以惇勸然後畢禁將士之暴
弘治主客之宜示以刑典難犯之科寬以困窮計無所

出哀今之人庶古之道內救惇獨外攘師寇上報君父
曲盡庸拙之分下循臣子勤補失墜之日灰粉骸骨以
備守官伏惟恩慈胡忍容易愚臣之願也明主之望也
限以所領未遑言

集作
謁

對無任兢灼之至謹遣某官奉

表馳

集作
陳

謝以聞

為崔鄴公謝除鳳翔節度使表

臣某言伏奉去月二十八日恩制加臣鳳翔尹仍克本
府及秦隴等州節度觀察使伏以才淺過深者敗公之

本力微任重者職禍之由况鳳翔天京四方取則使增
廉問千里準繩苟非其人是速官謗前已再三懇讓實
冀陛下矜臣不逮察臣無能忝侍朝廷獲遂陳請豈意
堯曦下屬舜澤旁流荐降殊恩不許固讓恭承寵命感
懼交懷臣其中謝伏惟陛下德耀三光勲崇萬古彝倫
式序庶績其凝臣本愚才素乏籌畧謬膺任使累踐殊
班顧無毫髮之功叨預丘山之寄今鳳翔近甸秦隴雄
藩北有党項之虞西有羌渾之患或阻絕我道路或侵

軼我封疆王師出征則鳥散山谷官軍罷討則雨集郊
圻臣雖不才庶竭孱懦必將勸分務穡訓卒厲兵勦除
凶殘式遏寇虐使黎元無俶擾之患里閭無暴殄之災
下傾百慮之愚上補萬分之一臣無任

謝除浙西節度使表

肅宗

顏真卿

臣真卿言伏奉六月九日恩制以臣為昇州刺史克浙
西節度使兼江寧軍使聖德含弘不遺簪履捨其罪戾
假以麾幢感戴恩榮死生知報臣某中謝臣以為全吳

舊國分閩重權煇東海以自資塹西河而作固九州天
險之地六代帝王之都是以魏文興嗟甘從南北之限

苻堅恃衆

集作
怙侈

爰喪百萬之師豈不以形勝是先腹心

斯切親賢重寄鎮邊攸難矧在庸微寧堪及此是以拜
命之日以榮為憂制書以今月四日至饒州臣以今日

發赴本道取都統節度觀察使李坦處分訖即赴昇州
即當繕修甲兵撫循將士觀察要害以備不虞假陛下

英武之威遵陛下聖

集作
平

明之理一心戮力上答天慈

伏惟陛下察臣愚衷

集作忠

則死且不朽無任感戴屏營

之至

代郭子儀謝副元帥河中節度使表

代宗

邵

說

廣德元年

臣某言伏奉今月日制授臣河東副元帥河中節度使
寄深匡輔任切安危寵命端臨憂惶如灼臣某中謝臣
智術凡淺才畧無聞承日月之光偶風雲之會自奉先
帝狗以驅馳被甲即戎載罹寒暑比憑朝筭克振天聲

雖毫髮之功曾無足紀竟不能掃蕩妖孽使八方攸同
謬踐中樞仍叨上將分茅錫土榮貫一時悽悽之誠竊
自增愧今又猥蒙驅策出鎮河中授臣以連帥之權委
臣以專征之務雖才輕方邵而任比桓文此陛下除奸
之時乃微臣死難之日竊觀自古忠義之士莫不扶危
救禍憂國忘家雖在暮年猶思報主則廉頗強飯馬援
據鞍以臣方之有甚前哲軍國重事不敢固辭誓竭股
肱之力以副腹心之寄倘皇猷獲展寇難克平殞身戎

行實無所恨無任感恩

代郭子儀謝兼河東節度使表 前人

臣某言今日日伏奉恩制授臣使持節都督雲州

一作中下

同諸軍事兼雲州太守克河東節度度支營田大使大同

軍使管內採訪使祇拜休命內揣薄才委任專崇周章

失據

一作周張靡據

臣某中謝臣聞邊之安危係於所用事之

成敗諒在先謀故寸璧必求良工尺錦亦資善製况夫

謀無智勇備列戎旃自守封疆頗淹歲序肅將朝筭一作

命剪滅兇徒此乃天功匪惟臣力陛下不遺犬馬念以

驅馳收其分寸之勞加以丘山之賞禮因位重恩與日

深長恐顛危不克負荷所以非有疑陳讓乞停范陽而

手詔曲

一作榮

垂不蒙允許退就私室竊愧明時素飡之

詩自臣攸作今又更承獎命兼以河東邊境相連三千

餘里烽燧列警斥堠須明雖則居安

一作安寧

終資有備以

臣獨制謂必無失然以能處一事身任一官猶擇其人

且懼曠職况臣旁綰三節控帶數藩智有所不周心有

所不及兵權倘失奔駟寧追實慮授受乖宜簡書是畏
望特矜臣不逮察臣愚謏更選良能付以旄鉞則樵夫
絕議官序有倫臣無任

為陳大夫謝上淮南節鎮表

代宗

劉太真

大厯八年

臣某言今月二十日中使輔懷恩送告身至伏見

一作奉

恩制特加臣銀青光祿大夫揚州大都督長史充淮南
節度使仍封潁川縣開國子

一作男

食邑五百戶者臣以

駑駘賤質葵藿愚誠謬荷深

一作殊

恩頻膺重寄

一作移

日

月私照雨露曲霑負戴不任兢惶失措臣某中謝臣自

遠辭天闕恭守海隅思陛下臨御之勤竊罄愚衷蹇拙

之分所恨智慮不及績用無

一作罕

成豈望陛下知懇款

之不渝將纖毫而見擢特超階序俾易旌旄錫以開國

之封授以臨戎之節由江南

一作浙

之遠鎮踐淮表之名

藩且地在要衝職名

一作居

分閫副茲統理豈易其人臣

亦何功忽當此任仰膺休命難叨覆載之榮伏省微躬

實積負乘之懼臣即以今月二十五日發赴揚州其浙東使事已差觀察使殿中侍御史盧翰權知留後無任

感戴戰越之至

一作皆唐類表

湖南觀察使謝上表

王仲舒

臣某言臣以某月日到本部上訖榮如夢中不敢自信臣某誠懼誠懼頓首頓首臣頃備位省官孤特無與自堅內志不近權門逞憾者以陰計中臣伺其顛沛而臣位從懼進身自危安陛下之保臣也陛下開張至道以

福羣生長人之吏必以歲久課其能否定其差等

一作著令

特

疑作時

無倖人獨臣領常州一年超居近地陛下之私

臣也

臣當此時不能稱揚隱晦以納聖聰

一作聰聽

論列竒

計以靖封畧使下有勝臣而未用者邊有戰聚而偷生

者是臣負陛下之知也况今方隅之任得其人則聖慮

安失其才則衆情苦斯位不細惟賢者宜之臣前官已

曠後恩逾重公議難逭隕越憂謹當日奉皇慈下求

利病鎮浮惰之俗杜奸邪之萌冀其小康上簡天府臣

之心也敢有二事不勝感恩戀闕之至

一作皆
唐類表

為荆南節度使謝恩表

臣某言中使某至奉三月二十五日敕除臣江陵尹兼御史大夫荆南節度觀察處置等使者如綸炳然中天而下伏讀惶駭不知所裁臣某誠懼誠恐頓首頓首臣既無老謀又無壯事塵玷重位前後六年將陛下覆幬之仁煦嫗羣物所至之上方獲小安如日照臨人共知見敢盜以為己功况文昌六星將帥為首非全才碩德

類表作畫

未嘗苟居陛下睿慮神行雄威電斷將付斯任尤

精其人過量之榮臣獨虛受

類表作臣實虛授

若在夢寐不敢

自期即以今日祇命上道臣團練判官太子舍人兼侍

御史楊洽

類表作暢怡

久更吏塗兼練戎事謹差專領留務

待李衡交割不勝感恩忻躍之至謹奉表陳謝以聞

為鄭儋尚書謝河東節度使表

德宗

令狐楚

貞元十六年

臣某言衙官竇及迴伏奉十月二十九日詔書授臣朝散

大夫檢校工部尚書兼御史大夫太原尹北都留守充
河東節度度支營田觀察處置等使勳賜如故者寵章

明命忽降自天捧受兢惶不知所措臣某中謝性稟

一作

本愚懦才惟薄劣居常勵己進匪因人心無所營宦不

期達伏蒙陛下旁羅俊乂登用賢良擢臣於博士之中

授臣以良史之任其後驟昇郎署猥在朝行塵忝日深

光耀隆

一作
輝已

極徒思報効未有因緣旋屬邊上選能軍

中乏使特蒙宸眷遣佐兵符空知徇公無以稱職望帝

城而積戀倏已四年處戎幕而懷憂若臨千仞本使李
說暫嬰疾苦奄從薨逝伏以天威遠被廟畧克成將士
等盡忠義之心竭恭敬之力保完府庫鎮定城池奸宄
不生三軍如一軍一作使李輔光器能周敏智識通明

監

與臣同心祇奉王事豈意殊常渥澤忽出於宸中不次

榮名併加於朽一作

賤

質仰承雨露使一作

便

在雲霄跼影

兢覘心驚股戰進非所據懼不自勝臣伏以太原守在
北門地方千里豐沛故壤陶唐遺人合求勳賢膺此委

用如臣山東弱植海內散材非郤縠禮樂之資無翁歸
文武之用將何以佩六官之印綬平三府之憲章節御

一作制

萬人典司百事天庭高邈陳讓無由感恩而涕下

霑襟

一作袍

忍愧而汗流浹背謹以三日上訖敷陳

一作演

天意叶暢軍情綸言一宣列校相慶臣誓當恭承睿筭
虔奉聖慈以安人和衆為心用報國忘家為志冀伸分
寸上荅聖明所守有限不獲陳謝臣無任感戴屏營之

至

一作皆唐類表

為裴相公謝淮西節度使表

馮

宿

元和十二年

臣度言伏奉去年七月二十七

一作五

日制書除臣門下

侍郎同中書門下平章事充淮西節度觀察處置等使

蔡州刺史并淮西宣慰處置等使緣逆賊吳元濟尚拒

王師遂於郟城縣權為理所臣篤勵羣帥潛設多方傾

其重兵頓在洄曲今月十七日唐鄧節度使李愬乘虛

直進生致元兇臣與賈柵三營諸軍便降洄曲三萬餘

衆積年逋寇翌日殄除淮右千里通行無礙臣以二十

五日領所部兵馬及歸順將士至蔡州上訖豺豕舊穴
迎風而迅掃鷓鴣臬故林應節而黃落替替者咸觀堯日
皤皤者重識漢儀臣以不才猥當重寄力一作排苟且

之議上贊聖明之心不敢偷安廟堂遂期親臨疆場陞

下初猶未

一作不

許微臣亟請是行睿旨丁寧寵光照耀

臣中心自警畢命無憾若不成事必當死綏伏願神道
惡盈罪人斯得而今而後方保餘生就天地削平之功
貽策書不朽之美是使懦夫增氣獷俗剗心方偃武以

脩文故斲勞而永逸臣謹敷揚帝澤宣布國章滌其瑕
疵衣以襦袴俾斯污俗咸若新邦底寧但以才一作某乏

折衝任兼中外摩頂至踵諒無非其渥恩知臣者君庶
不辱於玄鑒無任感激忻喜之至其承薦人自代具於
別狀

為馬揔尚書謝除彰義軍節度使表 憲宗

前人

臣某言臣今月某日中使某至伏奉九日制書除臣工

部尚書兼御史大夫克彰義軍節度觀察處置等使并
賜官告一通旌節一副及手詔等雨露恩覃霑霈易及
丘山施重負乘難勝臣其中謝伏惟睿聖文武皇帝陛
下文教暢三台武功加四海蕞爾淮寇久稽靈誅蓋懷
捨服之心不以虔劉為事既已統之上將撫以中台臣
實妄庸獲克貳職誠無裨補亦備卮危頃來面辭密奉
天旨以為此道必付微臣蒼黃受恩僣俛從事幸擒元
惡曾未踰時果復聖言遽承寵命彩章五色虔奉璽書

賞罰二權猥操兵柄鴻私薦及奮力何堪即以今月上
訖臣伏聞師之所處荆棘生焉今管内數州凋殘極矣
遍郊骸骨比屋瘡痍謹當扇以皇風施之帝澤俾汙俗
遷善頑人嚮方知無不為敢竭微志事有未便即當上
聞徒以跡遠闕庭戀深阜棧鑿門授鉞空愧于茲執贄
奉璋未知何日臣無任

河陽節度使謝上表

憲宗

令狐楚

元和十三年

臣某言伏奉前月二十七日詔旨授臣朝議郎使持節

懷州諸軍事守懷州刺史御史大夫克河陽三城懷州
節度使寵任非常怔營失次已再奉表陳謝訖臣其中
謝臣器質庸懦材能駑下文詞小技不足飾身軍旅大
權未嘗措意頃者叨居近密親事聖明選擢一作皆出

於宸衷遭逢似

一作自
又作偶

協於昌運進每憂國退常樂天

曾不知操舟者忌臣及津執轡者畏臣先路雖皎皎下
燭見一心之無瑕而營營諂興扇十手以相指去秋方
半已出嚴扃今夏正中又離禁掖伏惟睿聖文武皇帝

陛下恩深君父德厚乾坤憫棄席之恩軫遺簪之念微

臣自臨闕輔恭守章程非官辦而政成幸人安而事集

既無罪悔亦望歸還豈意便昇疆場

一作壇場

超授鈇鉞再

麾飄颻而出守十乘隱幘以啓行荷委寄而誠深若離

違之稍遠就日積戀瞻天靡遑拂儒冠以自驚對朝服

而增歎

一作歎

以今月十四日到本鎮上訖伏以郡稱河

內山倚太行古為雄藩今號要地但緣瘡痍未復杼軸

已空力欲輯綏曷由振舉謹當拊循羸卒宇育疲眊橫

征擅賦誓不為

一作行

峻法嚴科議不用與之休息使得

便安以此執心期於報德前臨河

一作濟

瀆羨朝宗而指

期仰觀衆星俟

一作思

拱辰而何日所守有限不獲詣闕

辭讓無任感激

一作思

攀戀涕咽之至

一作皆唐類表

謝除宣歙觀察使表

穆宗

前人

元和十五年

臣某言伏奉今日日制書授臣宣州刺史兼御史大夫

克宣歙池等州觀察處置等使者命自

類表作出

九重恩加

一介兢惶感惕無地自容臣某中謝臣本以凡才從來

孤立謬居要地常積憂危頃者陛下嚴奉園陵孝思弓
劔微臣職當營護理合勵精而昧於隄防誤有任使既
招牒訴合抵憲章豈意類表陛下恩過生成念深簪履
寬朝廷之典制委藩鎮之賦輿飛魂再還戰汗交集誓
當飲水食藥鏤骨銘肌冀申絲髮之効上報乾坤之德
不勝感恩惶恐屏營之至

為昭義王大夫謝知節度觀察等留後表

前人

臣某言中使第五守進至奉宣敕旨擢臣知節度觀察
等留後臣即以今月十八日上訖非常之命降自宸衷
不次之恩猥加賤質奉戴兢兢惕罔知所圖臣某中謝臣
內顧庸庸素無器業量力揣分委質戎行身居將列朝
絕親援不識公卿之第粗聞宰輔之名雖學孫吳未知
七德之要嘗師顏閔不究六經之旨愚惟守直訥未近
仁遠瞻等夷每愧劣薄苟求寡過之地竊慕事君之道
束髮筮仕逢盛時以自怡執心許國遇暗室而增懼臣

之愚素敢忘恩榮頃以陪臣獲隨覲見比辭瑤陛瞻覩
天顏遂因頒慶竊膺寵錫自謂生足榮矣死無恨矣豈
意聖慈煥發睿獎曲成拔自轅門寄之藩閩洎天心特
達因屈朝章而人望乖踈必速官謗內念惶灼浩無津
涯且上黨重鎮赤狄遺人師旅荐興風俗難理猛則生
怨寬不知恩隣接強暴地當關塞加之以仍歲災沴不
足以兩稅徵科軍政稍垂壓覆是懼臣雖竭股肱之力
瀝肝膽之誠不知何以上荅乾坤少裨塵露

云

云

為安平公謝除充海觀察使表

李商隱

臣某言今月某日中使王仕岌至奉宣恩旨改授臣某
官并賜臣前件告身一通者寵命天臨恩光春煦兢惶
無措抃蹈失容臣其中謝臣幸逢昭代本自諸生文以
飾身學實為己寧韞玉而待賈竊運甍以私勞春闈再
中於明經天官一昇於判第階級甚薄際會則多芸閣
讎書藍田

集作山

作史中間因依知己契濶從軍其後超

屬憲司驟登郎署埋輪而出高懸

集作
懸

八使之威起草

以居遠謝三臺之妙每含香而自歎常襆被而待命

一作

行

伏惟皇帝陛下陶鈞庶彙亭毒萬方憂心同堯好諫

若禹東掖垣內封章何有於日聞青瑣門前列位徒參

於夕拜擺波濤而鯤鱗纔變望煙霄而鸞翮初高誓將

竭誠非敢仰望然虛受難處忝據非安忽擁隼旗竟辭

龍闕猶賴雲日未遠闕城不遙虔奉國章粗免官謗豈

意便昇亞相之重

集作
班

秩復委大藩之廉問魚牋帝語

象軸神工拜受而若捧千鈞伏讀而如聽九奏誠雖深
於負荷戀實切於違離況曲阜遺封導河舊壤列九州
之數帶五嶽之雄古為詩書俎豆之鄉今兼魚鹽兵革
之地訓整合資於武幹拊循宜屬於柔良豈伊孱微堪
此委寄謹當冰霜勵志金石貫誠駕馬奮十駕之勤鉛
刀淬一割之用即以今月二日雪泣西拜星馳東下京
城思入雖有類於陳咸闕外耻居安敢同於楊僕無任
瞻天戀闕之至謹附中使某奉表陳謝以聞

文苑英華卷五百八十四

欽定四庫全書

文苑英華卷五百八十五 宋 李昉等 編

藩鎮謝官二

為濠州刺史王弼謝上表一首

為福建李中丞謝上表一首

為柳州鄭郎中謝上表一首

刺史謝上表十六首

為濠州刺史王弼謝上表 李 邕

臣某言伏奉某月日制除臣濠州刺史聖澤天臨寵章

霞煥身微草芥地

疑作施

重丘山臣某中謝臣某奉詔

字人星言即路三省不及二過有懷棄短之恩竭力難
負悔非之感瀝血未申以某月日到州上訖臣履冰誓
心飲水銘骨勵精為政刻意求仁實望昭發宿誠宣揚
大化上酬天地之德下盡臣子之忠臣萬死足矣

為福建李中丞謝上表

于邵

臣某言臣以二月二十四日特奉渥恩授臣福建都團

練觀察處置等使福州刺史兼御史中丞某月二十九日與中使某南北路分即以今月某日至所部上訖感戴踰涯跼天增懼臣某誠惶誠恐頓首頓首臣聞度材任器論吏底祿三代所以直道而行迭相沿襲未之易也伏惟皇帝陛下聖謨廣運光宅天下德澤遐溢蒼生海隅至若閩越都會東南重鎮爰思俾乂宜者甚衆則中外咨謀孰非俊選豈臣薄劣一無所取超獎不次特稟宸衷是以前表上陳披肝布懇自茲夙夜不遑底寧

况今右武之狀

疑作秋

先資輯睦安人之切又藉綏懷貢

賦不差於時蠻夷得令安堵惟是四者之備皆臣之職分也誓將克勤竭力處約勵心日宣皇化以展微誠無任忘軀報國之至謹遣某官奉表陳謝以聞臣某誠憂誠懼頓首頓首謹言

為柳州鄭郎中謝上表

臣某言臣伏奉某月日制書授臣某官即以今日到任上訖臣某中謝臣緒承舊族師事通儒萬里成功雖

無壯志九夷不陋庶纂前蹤二紀蠻陬三提郡印惟貞

苦節以奉休辰牙管一雙未嘗闕慮

集作

竹書兼兩何

敢輕懷渭水之陰弊廬斯託每還初服常慊上農今者

又即殊方復臨雜俗固蒙聲教終遠文明謹當宣舉

一作

巫奉

詔書撫安縣道媒官學舍畢納於人倫畜蠱帶牛盡

移於地利至於因遐弄法挾遠生情縱漏嚴科必貽陰

責山兼象縣江帶龍城撫心跼天敢忘玄造舉頭望日

何處皇居憑宵夢以銜誠託歸飛而結懇無任瞻天戀

闕之至

淄州刺史謝上表

李邕

臣某言伏奉某月日恩制除臣淄州刺史以今日日便道至任遠自江左近守河南收獎死灰建置生路別荷成造兼冀昇遷三慶集身百齡踰外中謝臣聞天地大德含育及於昆蟲雨露深仁霑霈及於蕭艾不限微品有愧洪鑪職臣之謂歟伏惟陛下道摠三才在璿齊政運超四孟與物為春玄造加於萬方聖慈周於一物子

人開化議事立權張皇連城勸勉犀岳身同京職承祿
賜之恩榮子預選曹廣門閭之惠澤是以龔黃蓄銳卓
魯專精一作稱能竭盡公忠弘宣績用但駑駘之力不足以
騁長衢朽木之資不足以施長棟徒遷厚祿無益聖朝
撫事捫躬慙魂跼影伏以東臨巨壑借渤海之水寬西
望京師就長安之日近

岳州刺史謝上表

張說

臣說言伏奉四月十有二日制書除臣岳州刺史某月

二十七日遞

集作魚

書到相州承恩惶怖狼狽上道以今月

一日至岳州上訖臣以昔侍金華過蒙榮寵負乘招寇

日待譴黜

一作非短日聞

聖慈遲迴仍委符守刻肌刻骨誠願

上報恩私無術無才將何克宣風化夙夜慙惕胡顏

集作

寧

啓處伏以貶官到任理在速聞不敢循常稽緩附使

無任荷恩兢懼之至謹遞表陳謝以聞

荆南

集作州

謝上表

臣某言伏奉二月二十五日制書除臣荊州大都督府

長史拜

集作受

命荒服浮舟遄泝以今月十七日到州上

訖山列楚望水橫南紀德非羊祜迹謝朱均何以鎮靜
流亡攘除猛虺臣某中謝臣宿濫宸睠累塵榮獎福過

生災至剛多缺及一辭庭闕已涉五年不有自白之書

竟無因人之請天光獨照雲霧頓披窮鱗更躍鍛翮仍

翫揣分瞻恩何階及此媿乏才能

集作用

不足宣暢皇風

敢竭心力少冀上酬玄造無任欣抃兢惕之至謹附送

丁匠資使所部文林郎守公安縣主簿封希魯奉表陳

謝以聞

武州刺史謝上表

于邵

臣某言伏奉今日日制除臣兼武州刺史本官勲封如故寵榮存及忝竊逾涯心魂驚越啓處無地臣某中謝臣本虛賤生遇休明雖跡淹戎位而功微涓滴自陛下聖理天下孝感神明任人無舊在物無棄故臣得參定洛汭凱旋鎬京職分上卿位列特進材力之所不足官謗之所自貽跼天躋地心愧顏厚殞身滅迹無以上報

猶且恤臣家帑放臣休沐遂嬰疾苦未及歸朝一年以
還四命為牧內省尸素空勤竹符將免胄而有期且戴
天而何力即以今日至州上訖奉宣皇化以靖方隅
誓求人瘼勉守亭障無任負恩勵節之至

汝州刺史謝上表

賈至

臣某言伏奉某月日制

一作
敕

除臣汝州刺史捧荷恩私

違離軒陛專城之寄則厚魏闕之心斯切即以今月至
州上訖臣某誠惶誠恐頓首頓首臣遭遇艱難謬忝近

侍扈巡巴蜀朝覲朔方崎嶇三年恒伏輿下

一作軫

而才

微智淺內不能申竒謀異畫外不能預武毅崇

一作戎

勳

掌翰承榮日以為愧屬陛下神武勦難再構乾坤動植

生靈濟於塗炭臣以庸劣績用無聞生覩中興以為殊

幸官登列守彌覺叨榮汝墳

一作墳

之人久罹殘賊閭閻

凋弊萑蒲未靜聞陛下慈卹之旨承陛下雷霆之威緝

理疲人畏懷亡命均其

一作爾

賦役免其農桑庶憑睿謀

迄可底定敢勵鉛刀之割終於

一作成

犬馬之戀不任悽悽之

至謹奉表陳謝以聞臣某誠惶誠恐頓首頓首謹言

忠州刺史謝上表

李吉甫

臣某言伏奉恩命擢授臣持節忠州諸軍事守忠州刺史越自東海牧於巴中秩優專城任切謠俗臣某誠歡誠喜頓首頓首頃以進取乖方譴累斯及遠投海裔分

棄朱崖

類表作生涯恐是

陛下精意饗天覃恩率土故臣得澡

身霈澤剖竹藩方

一作方州

恩出九重謗銷衆口受命之日

心魂載馳屬楚越途遙奔馳道阻泝流七千涉

一作涉險

非一虐暑嬰癘羸骸僅存以今月七日昇曳到所部上

訖臣往歲曲臺掌禮已蒙

一作承

訪對之榮南宮起草猶

兼表絕之任陛下展事宮廟臣實職導乘輿接星伏於

鈎陳趨日馭於黃道奉璋薦鬯左右天威增秩進階霑

濡慶渥臣業以儒進才匪時須書生之幸亦已過分中

貽謗缺咎則自招

一作已貽

今荷寵光恩由天造勤

一作期

勵

精於緝理庶有効於消塵

一作埃

巴山萬里峽水千仞微

分

一作非公非

何寄長瞻北辰臣無任感戴屏營之至謹遣衙

官朝散大夫試兗州長史賜紫金魚袋宇文儼奉表陳
謝以聞臣某誠惶誠恐稽首頓首謹言

一作皆
唐類表

為汝州刺史謝上表

穆 貞

臣某言伏奉正月九日敕授臣使持節汝州諸軍事守
汝州刺史充本州防禦使臣祇荷寵命兢惶戒路以今
月二十五日到州上訖臣聞位非所據榮實為憂任過
於量勤不補敗伏自省懼心魂震驚臣某誠惶誠恐頓
首頓首臣頃佐方鎮本逃饑寒推遷歲時累忝班序而

身遠跡賤才薄官微宣力中朝事將望絕昨者一介陪
隸萬國朝元不寤日月垂明幽隱斯燭荒徼末效記意
於勞問之初愚懇微誠畢辭於朝賀之次亦既信宿遽
承寵光况地屬王畿任當時要憂寄所切文武是資何
堪負乘又過獎擢唯當以竭誠自勵戒懼自持庶副所
受安人理戎之命少酬萬一無任懇悃屏營之至謹遣
某官奉表陳謝以聞

為福州刺史謝上表

常袞

臣某言奏事官特進試鴻臚卿臣郝誠益

類表作
誠溢

至伏

奉墨制優答兼賜手詔宸旨寵臨榮渥光被跪讀流汗

捧抃失容臣某誠懼誠喜頓首頓首伏以聖慈宥過朝

獎踰涯敢希身榮以冒班列殊死陳乞冀遂愚誠天覆

棄瑕藩寄如舊宜勵駑鈍以効涓塵

類表
作毫

不敢稽恩有

覲承命感戴欣躍仰荷殊私踧踖戰兢實憂曠職謹當

宣布德澤奉行科條苦節以緝疲人誓心擬補前咎夙

夜祇畏懲省微勤期於萬一以申上報無任捧戴屏營

之至謹奉表以聞

潮州刺史謝上表

臣某言臣冒犯刑章合當萬死曲蒙慈貸特賜再生仍假分符更承寵授感恩待罪心魂戰越以九月十一日到州上訖臣某誠惶誠恐頓首頓首臣凡賤末品非才冒榮虛忝國恩實昧朝典尸榮無補公責所歸竊自循省早宜譴黜永惟光顧未答殊私慙負至深悚惶靡及陛下以大聖承統以至明照臨孝思感於天地儉德齊

於堯禹道在還淳化先無事臣宜進賢以報國同力

一作

休以守公而乃輕奏忠良苟循愚執豈非臣褊心失措

躁遽而然亦是速戾之時迷誤至此負恩既重自孽何

逃處之嚴刑猶未逭責豈謂特迴宸斷俯降天慈矜臣

蠢愚憫臣孤弱全其將朽之骨復其已逝之魂俾奉藩

條獲從職守悚惕懼荷罔知所圖臣自辭闕庭深省罪

釁一作未嘗頃刻輒忘悔尤中朝再馳每步懲戒終夜

釁咎

不寐每思兢慙尚偷餘生誓將改過敢惜微命以自懷

安惟勵丹誠庶答鴻覆况親人之寄在遠猶切謹當宣揚聖化慰撫海隅少安疲曠以展微効伏以差使上謝有虧格文跼蹐憂惶不敢專擅無任懇迫之至謹附本道觀察使附使使奉表陳謝以聞

柳州刺史謝上表

李吉甫

臣某言伏奉詔書授任柳州刺史以今月二十五日

柳宗

元集作

二日

至所部上訖臣某誠惶誠恐頓首頓首臣前歲

以疾

集作久

停官去年蒙恩除替便欲裂裳裹足趨赴京

師以舊疾所嬰彌年未愈逮及今夏始就歸途襄州

集作

陽節度使于頔與臣早歲同官見臣當暑在道懇留就

館尋假職名意欲厚臣非臣本

集作所

願伏惟陛下光被之

德道已洽於區中憂濟之勤心每徧於天下常以萬邦

共理必藉於循良一物不遺尚延於愚邈假臣寵渥重

領方州駑駘復効於馳驅

集作奔馳

枯朽更同於華秀臣某

誠懽誠喜頓首頓首臣聞潢污易竭徒有朝宗之願犬

馬無識猶知戀主之誠揣分則然惟天所鑒况臣昔因

左官一紀于外子牟馳心于魏闕汲黯注意

集作積思

於漢

庭豈伊非夫

類表作臣豈非人集作豈非其人

獨無斯戀去就者榮辱

之主朝廷者仕進之源臣子之宜忠貞所志臣雖心同

犬馬而分比潢汙幸躡康衢意

集作竟

悲往蹇臣之此誠

口不能諭意欲自

集作悉

達文非盡言此臣所以自咎自

傷恨垂志願猶冀苦心勵節上奉詔條惠寡安

集作郵

貧

下除人瘼恭宣皇化少答鴻私不勝感戴歡欣之極謹

遣軍事衙前虞候王國清奉表陳謝以聞

新唐書李吉甫傳改郴移饒舊唐書乃以郴為柳
致柳宗元集三十八卷誤收兩表前題謝除云奉
三月十三日制六月二十七日上訖此即宗元表
也後但題謝上又云今月二十日上訖月日文理
皆非宗元事其為吉甫何疑

饒州刺史謝上表

臣某言今月五日中使劉元晏奉宣聖旨擢授臣饒州
刺史兼賜官告仍至當州送上者臣與元晏某一作其月

二十三日至州上訖臣伏以郡守分符朝有常典王人

賜告班

一作榮

竝貴臣事出非常恩超往例拜

一作林

舞之

際悲歡失容臣某誠歡誠喜頓首頓首臣聞千年一聖

生聖

一作此

時者為遭逢萬朝一昌偶昌期

一作斯運

者為嘉

會臣頃者每念生聖時逢聖運而職在遐外莫能自通

何嘗不顧影獨悲捫心屢泣晝望白日夜瞻北辰豈謂

分寸之績未施丹懇之誠若感微藿傾心益草木之常

分太陽迴燭及幽遠而不遺今陛下降不次之恩授分

憂之地拜章承旨皆自中人聖渥霑濡天威咫尺從此
萬里不為孤臣臣某誠歡誠喜頓首頓首臣又聞臣子
之道犬馬代勞義不辭難分當竭命臣竊以一作飽食

厚祿肌

一作肥

生澤膚猶願荷戈於逐虜之疆免胄於捐

軀之所至於理財均賦惠寡安貧勸農桑敦學校儒吏
之常節駑駘顧何以堪當此殊勞少答玄造高秩以忝
鴻私未酬悽悽此誠沒齒無怠不任感涕屏營之至

十三

八字一作駑駘匪勞願上表詔條下除人瘼
恭宣大化少答鴻私不勝感戴欣歡之極

一作皆唐類表

柳州刺史謝上表

柳宗元

臣宗元言臣伏奉三月十三日制除臣使持節柳州諸軍事守柳州刺史以六月二十七日到州上訖臣宗元誠惶誠恐頓首頓首早以文律參於士林德宗皇帝遷於衆流擢列御史陛下嗣登寶位微臣官在禮司百寮稱賀皆臣草奏臣以不慎交友旋及禍詘集作誣聖恩弘貸謫在善地累更大赦獲奉詔追違離十年一見宮闕親

受朝命牧人遠方漸輕不宥之辜特奉分憂之寄銘心
鏤骨無報上天謹當宣布詔條竭盡駑蹇皇風不異於
遐邇聖澤無間於華夷庶答鴻恩以塞餘罪無任感恩
隕越喜懼之至謹遣軍事才將劉伯通奉表以聞

代永州韋刺史謝上表

臣某言臣伏奉某月日制書除臣永州刺史以某月日
到州上訖受命若驚臨職彌懼臣某誠惶誠恐頓首頓
首臣以無能累更事任神州赤縣實所備嘗過量逾涯

每深兢惕不謂聖恩推擇濫駕朱輪祿秩徒增詎施乳
哺之惠服命虛受寧興襦袴之謠况此州地極三湘俗
參百越左衽居椎髻之半可墾乃石田之餘曠收守於
再秋彌驕獷俗代征賦於三郡重困疲人分災本出於
一時積弊遂逾於十稔撫安未易知法出而姦生子育
誠難懼力勞而功寡夙夜憂切不敢遑寧謹當宣布天
慈奉揚神化以日繫月儻或有成少裨愷悌之風因答
生成之造臣無任感恩隕越之至

道州刺史謝上表

呂

溫

英華作
呂頌非

臣某言臣去十月十七日蒙恩授使持節道州諸軍事
守道州刺史奉命星馳不敢違息以今月七日

類表作
二十八

日到州上訖祇寵自天戰

類表
作拊

跼無地臣某誠兢誠感

頓首頓首臣謬以庸庸早忝朝序再塵憲府三踐文昌

竟不能著稱彌綸贊肅綱紀合行殿黜

集作誠
合休黜

翻蒙獎

任共至公之理分子物之憂自古審官莫斯為重臣才
乏吏用識昧政經將何以克副聖心撫寧遐俗唯當勤

宣皇

一作王

化虔奉彝章苦節勵精

類表作精

少酬萬一臣

無任受恩感激之至謹奉表陳謝以聞

衡州刺史謝上表

臣某言伏奉五月十一日恩制授臣使持節衡州諸軍事守衡州刺史散官勲賜如故謹以七月十五日到本州上訖恭承寵命循顧庸虛感抃失圖戰跼無地臣某誠感誠懼頓首頓首臣聞三載陟明虞書盛典六條舉最漢制宏規必在上允帝俞俯諳師錫臣謬領郡務素

無吏能虔守國章布宣皇化匪寧

一作能

夙夜再換炎涼

仰奉陛下憂勤以恤遠人凋瘵雖檢身肅下不敢愧於

神明而阜俗移風竟未彰於績用將何以特膺睿獎簡

在宸心當愷悌之旁求副

集作辱

循良之慎

集作盛

選省躬

增愧

集作場

殞首知慙謹當恪勵

集作盛竭

精誠策磨朽鈍冀

集作庶

立日新之効少酬天覆之恩實望聖慈照臣肝膽

臣無任感躍屏營之至謹差某官某乙奉表陳謝以聞

黔州刺史謝上表

呂頌

臣某言伏奉去年某月日恩敕授臣使持節都督黔州

諸軍事守黔州刺史兼御史中丞

一作大夫

臣某中謝臣以

今年某月日到所部上訖螢燭之光無裨日月螻蟻之

埴謬廁丘山臣素以凡庸幼乏師訓遭逢聖代

一作多難志

業無聞往昔建中之初嘗備對敷之末臣於延英殿獻

大禮賦一首特奉恩旨令臣自讀天顏咫尺芻鄙必聞

一覽繁詞三蒙眷獎宣付史館列在圖書此微臣之榮

一也尋屬賊臣希烈上表臣奉詔奔馳因茲淪陷臣忍

死効節偷生竭忠分士伍以弱枝獻土地以強幹當元

亮授首之際亂兵害帥之時玉石不分生殺

一作殺傷

未定

初則傳臣及禍後乃知臣僅存陛下分命宰臣念形于

色始臨軒而出涕終省表而再歡君上之慈古今未有

此微臣之榮二也妖氛既殄飛詔追臣就拜銀青仍

一作

特加金印授官華省列位聖朝萬死之中再肉白骨九

泉之下獨見青天此微臣之榮三也去歲季春

一作去年春

陛下與太子諸王賦詩見宴中書宣付遍示百寮凡在

臣下一作朝臣無不奉和擢居第一唯臣一人獨荷殊旌乃

一作仍蒙厚錫光生御札榮溢天衢百辟具瞻萬人傳誦

此微臣之榮四也臣本書生謬登清秩始詳刑政旋改

轄司陛下不念愚蒙一作念臣愚衷擢臣非次草奏之地忽降

旌旄郎署之間遽一作速遷方鎮此微臣之榮五也臣聞

受寄崇者其勲大荷恩重者其感深今臣無迹可稱無
功可紀累承睿渥叨冒寵章草木逢春罔答陽和之煦
昆蟲啓蟄寧知天地之仁將何以受陛下非次之恩答


陛下殊常之造臣伏以黔巫遠一作僻山洞阻深地極

荒陬人多逋梗不生五穀不一作識桑蠶迫之則鳥獸

同羣緩一作之則木石為伍臣謹當申明朝典宣布皇

慈扇以仁義之風諭以君臣之道俾知教化或漸庶幾
誓安遠人永清殊俗臣無任荷恩冒寵之至

一作皆唐類表



文苑英華卷五百八十五

欽定四庫全書

集部

文苑英華卷五百八十六至
九十一

詳校官給事中臣李臺

助教臣常循覆勘

總校官進士臣朱鈐

校對官中書臣胡紹基

謄錄監生臣熊夢祖

欽定四庫全書

文苑英華卷五百八十六

宋

李昉等

編

藩鎮謝官三

為同州顏中丞謝上表一首

代鄭南海謝上表一首

為安平公兗州謝上表一首

為濮陽公陳許謝上表一首

刺史謝上表十三首

為同州顏中丞謝上表

謝 楚

臣某言伏奉恩制授臣同州刺史本州防禦長春宮等使即以今月八日到任上訖載服明命叨塵寵光逾涯之榮滿覆是懼臣某中謝臣幸逢昌時早獲入仕由乎邑吏叅佐戎藩材謝中人官寧期達聖朝道廣管蒯不遺遂得牧守連擢大郡徒以清心自約直質在公未申致命之誠久負竊位之責前秋屬奸兇構禍譟動諸方臣所部當州首為劫脅乃藉天聲以告鄰境戮其偽將

以阻奸謀蓋知無不為是臣職分陛下特錄其微効超授方隅從政未洽於遠人進律俄遷於近輔非次之獎臣何以膺又臣伯父贈太師臣真卿在肅宗朝嘗典茲郡餘蹤遺事較然可徵臣以不腆之姿繼序官業誠比德非省疑陳力異能而代受國恩若未失墜臣不勝感涕榮荷之至當今德澤被於寰宇薰風襲於隱微俗臻大寧吏易為理臣專奉揚大化申報皇慈事有未便于人者續且條奏以酬陛下子育之旨臣無任戴恩隕越

之至

代鄭南海謝上表

呂溫

臣某言臣自遠

集作遠

離闕庭晨夜奔波祇承寵命不敢

違寧謹以某月某日到所部上訖仰

集作奉

宣聖旨親諭

遠人酬恩之効未期戀主之誠已積臣某誠恐

集作感

誠

懼頓首頓首臣本章句諸生器用無取徒以小心畏敬

謬為先聖所知趨奉禁闈浸踰星紀屬內外危疑之際

是非剖判之初實以艱貞自持中立無倚天高聽近愚

欵獲申神幽鑒明昌運斯屬遂蒙陛下擢於侍從超冠
等倫用其憂國之寸心委以代天之重務俯僂三命炎
涼五周登車奉馭朽之懷假寐感宵衣之志徒耗神用

莫能將明篋盈謗而方賜駉駉折足而未忘簪履

集作

屨竟以陳乞遂其優容無綺季夏黃之德而猥當調護

無竇融賈復之勞而獲奉朝請以此沒齒猶為負恩豈
意曾未踰年忽蒙抽獎廟授鈇鉞廷賜旌旗俾臣懦夫
當此大任節制五嶺幅負萬里伏波之銅柱猶在永謝

竒功士燮之鼓吹日聞彌慙武幹將何以宣美皇化振揚國威洗愆責於千齡答生成於再造唯當舉章脩法苦節清心撫獷俗以思柔酌貪泉而無懼庶幾萬一仰副憂勤但以白日在天長安不見丹涯限地溟海方深顧蒲柳之前衰奉軒墀而尚遠無任感戀屏營之至謹差某官某奉表陳謝以聞

為安平公兗州謝上表

李商隱

臣某言臣自承明詔移鎮東藩望闕而血涕以辭戒途

而星奔不息即以今月五日到任上訖當時集軍州官

吏等宣布皇風闡揚玄造歡聲雷動嘉

集作喜

氣雲高臣

其中謝臣本由儒業獲厠榮朝粵自烏臺至于青瑣累
更近地皆奉休期用盡心以書紳長憂福過取知足而
銘座敢傲時來旋屬皇帝陛下垂意闕城推心甸服俾
之防遏無使緝綏橫被天波未移星館豈期非次忽致
殊遷察俗雄藩分榮大憲地濱河濟山奄龜蒙本孔里
周封有堯祠舜澤九州之名數甚古三代之禮樂舊傳

退省何人合安茲地撫躬而浹

集作沾

背汗下仰恩而溢

面淚流況所部驍雄素兼節制為於當代便屬文臣畫
虎聚螢昔唯久事筆硯佩鞬帶鶡今寧能執干戈幸臣
前在葉州日虔奉詔條克宣戎律檢下而羊無久牧馭
黠而犬用左牽用令去任之時大有遮留之請盡三屬
縣至萬餘人不放即途皆來卧轍竟稽朝發遂致宵奔
請於茲時亦因前政冀漸令蘇息長使謚寧然後遠訪
雲亭高尋日觀備萬乘登封之所設諸侯朝宿之儀盛

禮獲窺微願斯畢過此已往不知所圖無任戴恩隕越
之至謹差某官某奉表陳謝以聞

為濮陽公陳許謝上表

臣某言臣伏奉去月八日制書授臣前件官臣即以某
月日到任上訖當時集軍州官吏僧道耆老等諭揚皇

集作
玄

化宣布睿慈連營咸鼓於巽風闔境均霑於允澤

臣某中謝臣材謝漢飛義慙燕使

集作
客

獻書求試學劔

邀勲大舸千艘早竊樓船之任勝兵萬數晚兼車騎之

名雖任在啓行而時當柔遠珠崖銅柱祇務廉平麻壘
艾亭莫能恢復旋屬皇帝陛下荆枝叶慶棣萼傳輝臣
得先中墨車入拜丹陛蘭臺假號棘署參榮奉漢后之
園陵獲申送往掌周王之廩庾方切事居不謂遽董戎
旃還持武節賜國既高於七命承家又慶於重侯維彼
壁田實聯鼎邑古之近甸今也雄藩想像汝南星聚而
先賢未遠經過潁上水濁而強族皆除况在昔年常隣
多壘載瞻軍額深見士心貴忠孝之兩全則忠可移孝

正文武之二道則武可輔文將謀將領之能必重英豪
之選豈虞拔擢乃出孱微謹當阜俗而必致人和貞師
而不為兒戲使流庸自占驍悍知方任棠水薤之規臣
當可服黃霸米鹽之政臣亦不遺粗勤報効之資用贖

食饗

集作
叨

之責奉違軒鏡幾落堯奠比園葵以自傾晝

唯向日羨海槎之不繫秋則經天感激而淚血霑衣兢
憂而汗雨浹

集作
洽

背無任感恩戀闕兢惕屏營之至

濠州刺史謝上表

獨孤及

臣及言臣伏奉今年五月一日敕授臣使持節濠州諸
軍事濠州刺史臣頃待罪禮官備員郎署職曠無補增
懼且愧陛下不以臣愚擢居二千石之列今之刺史古
之諸侯州人安否係在一吏臣非其才無以稱旨奉詔
之日懼又甚焉以閏六月十二日到任所集作所部上訖唯
當奉宣聖猷竭誠帥下瞻戀天造酬効無階無任喜懼
之至謹附驛奉表陳謝以聞臣及誠惶誠恐頓首頓首

常州刺史謝上表

臣及言臣伏奉去年十二月二十三日敕授臣使持節

常州諸軍事守常州刺史克常州

類表作當道

團練守捉使

臣伏以江東之州常最

集作州

為大

類表作常為大部

陛下不以

臣不肖拔臣於羣吏之中以考則年未久以勞則功無可錄而除拜之次加於人一等臣及誠惶誠恐頓首頓

首臣往歲常忝諫官歷博士尚書郎之秩雖備嘗獻納

累黷天聰

集作聽

竟無絲髮裨補盛明

集作明盛

及典濠舒二

州出入七年又不能副陛下政平訟息與我共理

集作此

之嘆至如流人自占旱不為災實由陛下當勤雨

集作
郵

之初下哀痛之詔寬減租稅入三分之二是以和氣傍

感災變為福福流臣州人是以又

類表
作泰

臣寧敢貪天之

功以為已力今陛下賜臣詔曰斷獄歲減流庸日歸以

人俗之豐給當淮湖之災旱陟爾明効宜列中朝臣無

其實謬奉殊獎

集作
思

伏覽聖旨惶悚墮履况遇陛下厲

精百揆之始日以堯吁舜咨旁求俊造或經時不除一

吏除必公才為先苟非其人位不虛授縉紳之輩僥倖

望絕臣當此時

類表作如此非

獨荷榮寄人之多幸將自臣始

致寇速謗實憂自

類表集作自臣

貽今以三月十七日到州上

訖雖欲勉勵疲鈍勤

集作增

脩吏職懼力不逮上累皇明

奉詔夕惕且慙且駭無任感戴喜懼之至謹奉表陳謝

以聞

為張洪州刺史謝上表

臣某言伏奉某月日敕除臣使持節都督洪府

集作州

諸

軍事洪州刺史克洪府等七州都防禦觀察等使臣才

不如人位忽過量仰戴天造兢兢然自矢臣某誠惶誠恐頓首頓首臣往歲安祿山以盜泉飲臣臣受左袵之辱而不能死陛下以鴻私活臣臣荷乾坤之施而不能答

徒竊寵榮

類表作秩

三典藩郡至如俗阜

類表作幸

不擾人或小

康此實堯風被物比屋日用臣敢貪天功以為已力不謂陛下獎勤是務以臣為勤自春徂秋凡三錫命九州之伯臣忝其一况豫章重鎮荆揚奧區五嶺控其南九江在其北軍師之統

集作連率所統

安危是繫分憂之寄豈臣

足當負荷恩光

集作輝

懼墮越于下今以某月日到任所

集作所部

上訖謹當靖恭守位夙夜在公宣皇猷以尊風俗

仗天威以訓師旅庶以四境無虞百姓輯睦為報力或
不足則繼之以死臣之分也敢有二事臣無任感戴喜
懼之至謹奉表陳謝以聞

為張濠州謝上表

臣休

集作沫

言臣頃陷身克族待罪黃沙戮社蒙鼓職

集作

是

臣之分陛下照臣以日月之光察其微懇拔臣於縲

綬之下授以專城今日餘生實聖朝所賜寵章榮命豈
賤臣之心碎首粉骨未荅天造今以某月日到濠州上
任訖類表作到州上訖謹當竭力守官正身率下勉勵苦節緝
綏疲人冀立犬馬之誠或伸絲髮之効無任感懼之至
謹附表陳謝以聞

代容州刺史謝上表

時在郎州相逢因以見託

劉禹錫

臣某言伏奉某月日制授臣容州刺史兼御史中丞克

本路

川文粹
作管

經畧招討等使臣發開州日已差某官某

奉表陳謝伏以道途遐阻水陸縈紆臣以今月某日到

本任上訖謹宣聖旨慰諭遠人臣某中謝臣本書生素

無吏術頃因多幸賁自

川文粹
作及

丘園累沐聖慈驟居清

貫識昧通變動垂事宜慚

其作
愧

無善狀以塞公責伏惟

睿聖文武皇帝陛下凝旒穆清洞照寰海恕臣本性朴

愚賜以恩輝拔

一作
被

於廢棄遠辭偏郡重鎮

集作
委

方隅

捧印綬而為榮望闕庭而增戀雖到官之始惠未及人

而率下之誠務先克己凡施政教皆稟詔條參以土宜
遂其物性可行必守有弊必除使

集作便

蠻夷生梗之風

慕臣子盡忠之道力誠不足心實在茲伏乞聖明俯賜

照

集作昭

鑒

連州刺史謝上表

臣某言伏奉去三月七日制授臣使持節連州刺史恭
承睿旨跪奉詔書皇恩重於丘山聖澤深於雨露抃舞
失次神魂再揚誠歡誠懼頓首頓首臣性本愚拙謬學

文詞幸遇休明累登科第出身入仕並不因人德宗臨

御之時臣忝御史陛下龍飛之日臣忝郎官恭守章程

勤脩職業權臣奏用益聞虛名實非曲求可以覆視跡

卑易枉無路自明亦緣臣有微才所以嫉臣者衆競生

口語廣肆加誣伏賴陛下至仁特從寬

集作寬刑

典舉以緣

坐貶佐遐藩屢易

集作變

星霜頻經恩赦犬馬懷戀寢興

匪寧惟讀佛經願延聖筭

集作壽

昨蒙詔命追赴上都隨

例授官俾居遠郡在臣之分榮幸已多伏荷陛下孝理

弘深皇明照燭哀臣老母羸疾憫臣一身零丁特降新

恩移臣善郡

集作得
移善部

光榮廣被母子再生凡在人臣皆

感聖德凡為人子皆荷聖慈豈惟賤臣獨蒙

集作
受

恩造

不覺喜極至于涕零昔殷王俯念於前禽且聞解網漢

帝有哀於少女爰命罷刑方之聖朝不足多尚感召和氣

慰安羣生非臣隕越所能上報伏以南方癘疾多在夏

中自發柳

集作
柳

州便染瘴癘扶策在道不敢停留即以

今月十一日到州上訖謹宣聖旨以示遠人恭述詔條

所期安復

集作
福庶

無任感恩戀闕之至

此篇元編在五百八十七卷今移此

和州刺史謝上表

臣某言伏奉制書授臣使持節和州諸軍事守和州刺
史臣自理巴賓不聞善政恩私忽降慶抃失容臣某中
謝伏惟皇帝陛下丕承寶祚光闡鴻猷有漢武天人之
姿稟周成睿哲之德發言合古舉意通神委用得人動
植咸悅理平之速從古無倫微臣何幸獲覩昌運臣業

在詞學早歲策名德宗尚文擢為御史出入中外歷事
五朝累承恩光三換符竹在分憂之寄祿秩不輕而素
蓄所長効用無日臣聞一物失所前王軫懷今逢聖朝
豈患無位臣即以今月二十六日到所任上訖伏以地
在江淮俗參吳楚災旱之後綏撫誠難謹當奉宣皇風
集作慰彼黎庶久於其道冀使知方伏乞聖慈俯賜照
集作昭鑒臣無任

蘇州刺史謝上表

臣某言伏奉制書授臣蘇州刺史始從郎署出領郡長

承命若驚省躬增

集作知

感臣某中謝伏惟皇帝陛下受

上玄之眷佑揚列聖之耿光大康黎元慎擇牧守德音

每發品物咸蘇臣本書生素無黨援謬以薄技三登

文科德宗皇帝擢為御史在臺三載例轉省官永貞之

初權臣領務遂奏錄用益聞虛名惟守職業實無朋附

一作裨補

竟坐飛語貶在遐藩憲宗皇帝後知事情却授刺

史凡歷外任二十餘年伏遇陛下應物重光物無廢滯

收拾者舊塵忝班行既幸逢時常思展効在集賢院四
換星霜供進新書二千餘卷

集作集供御書二千餘卷

儒臣之分甘

老於典墳優詔忽臨又委之符竹分憂誠重戀闕滋深
石室之書空留筆札金閨之籍已去姓名本末可明申
雪無路豈意聖慈弘納不隔卑微面辭之日特許外殿
天顏咫尺臣禮兢惶不敢盡言空懷誠懇謝恩而出生
光於九陌之間授訓而行布政於五湖之外臣即以今
月六日到任上訖伏以水災之後物力素

集作索

空臣謹

揚

川文粹作
以集作宣

皇風慰彼黎庶臣聞有味之物蠹蟲必生

有才之人讒言必至事理如此古今同途了然辨之唯
在明聖伏惟陛下察臣此言則天下之人無不幸甚江
海遠地孤危小臣雖雨露之恩幽遐必被而犬馬之戀
親近為榮臣無任

汝州刺史謝上表

臣某言伏奉去年七月十四日詔書授書使持節汝州
諸軍事守汝州刺史兼御史中丞充本州

集作
道

防禦使

餘如故者臣久居遠服戀闕常深忽降新恩近鄉為貴承旨慶抃省躬慙惶臣某誠歡誠喜頓首頓首伏惟皇帝陛下垂衣清穆之中旁照寰瀛之內車書所及動植咸安臣昨離班行遠守江徼延英辭日親奉德音知臣所部灾荒許臣到任條奏恭承睿旨宣示羣黎減其征徭頒以賑賜伏蒙聖澤救此天灾疲羸再甦幼艾同感二年連遭水潦百姓幸免流離交割之時戶口增長雖才術不至於事未周而憂勞則深為衆所悉臣本業儒

素頻登文科帝命遽迴

集作時
命遭迴

再領軍郡即以今月二

十七日到州上訖謹當奉宣聖化慰撫

集作
彼

蒼生臨汝

海

集作
水

之波朝宗尚阻望秦城之日迴照何時臣無任

感激屏營之至

同州刺史謝上表

臣某言伏奉去年十月二十二日制書授書使持節同
州諸軍事守同州刺史兼御史中丞充本州防禦長春
宮等使恩降九重榮忝三輔承旨慶抃省躬慙惶臣某

中謝伏惟皇帝陛下丕承列聖光闡鴻猷氛祲掃除乾坤交泰臣幸逢昌運累沐殊私空荷生成之恩寧酬雨露之澤即以今月二十日到州上訖謹宣睿旨安慰蒸黎伏以本州四年以來連遭旱損閭閻凋瘵遠近共知臣頃任蘇州之年亦遭大水之後面辭之日親奉德音至於撫綏皆承聖教二年之後百姓獲安今本部灾荒物力困涸忝為長史敢不竭誠即須滌流續具聞奏臣恪居官次幸接王畿不獲拜舞彤庭陳露丹慙犬馬懷

戀寢興匪寧瞻魏闕之容朝天尚阻望長安之路近日
為榮臣無任感激屏營之至

為道州許使君謝上表

令狐楚

臣某言伏奉某月日敕旨授臣道州刺史恭承榮命拜
伏寵光如出井谷而見日月臣某中謝臣聞周室建侯
每先親舊漢朝置守必選循良臣公才蔑聞利用無取
自幼及壯終艱且拙然而竭誠以許國必盡二字類
表作畢力
而在公一辭朝右累守郡佐不寒自慄無水而沉伏惟

陛下頒帝堯分命之典敷孝宣共理之詔方須俊乂以
輯惇嫠若臣之倫何敢望此不圖恩從上降命自中出
付以金印委之竹符立有光耀坐生羽翼荷天地之德
戴山為輕感雨露之仁測海猶淺謹以某月日便道到
州上訖誓當佩韋以勵志置水而清心酌遠俗之便宜
節下人之好惡使豪奪類表作舊斂手疲羸息肩雖不足稱
陛下慎擇眷求之意其於乾乾憂濟庶分萬一臣官守
所限不勝疑蹈舞天庭無任

衡州刺史謝上表

穆宗

臣某言去九月十五日於宣州伏奉某月日敕旨貶授
臣使持節衡州諸軍事守衡州刺史散官勳賜如故仍
馳驛發遣者嚴威成命忽降自天戰灼飛魂如臨于谷
臣某中謝臣素以凡品謬登高位雖滿盈是一作戒每

剖一作肺腑而怨讟所歸難防頰舌屬奉陵無狀選吏

不精多偷見緡一作連斃枯木擢臣之髮豈可贖罪粉

臣之骨不足勝刑伏惟皇帝陛下德厚於乾坤明齊於

日月斷自深慮遽置寬科降受郡符錫留命服九重殊渥再荷生成萬殞殘骸何由報効以今月十二日到所部上訖伏以君親同致臣子一例一作情有思於聞達

理合具而奏陳今臣官忝頒條職非奉使謝上之外拜

章無因欲隱默而不言懼中傷而未已何者微臣頃蒙

朝獎謬列宰司誠不曾壅隔賢才

一作才賢

怨臣者至寡辭

京之後毀臣者則多今却望朝廷更無庇援曲全孤賤唯託聖明特乞眷慈俯鑒哀懇庶使窮鱗懷躍波之望

幽蟄有聞雷之期仰天垂涕伏地流汗不勝感恩懼罪

戰慄屏營之至臣無任

一作皆唐類表

為石州刺史謝上表

臣某言伏奉某月日恩制

一作勅

授臣石州刺史持節石

州諸軍事謹以某月日到所部上訖祇奉

一作拜

明命伏

深戰越臣其中謝臣本瑣材素無明畧雖被堅執銳曾

立絲髮之功而化人成俗未知韋弦之政豈意陛下錄

其微効忘

一作委

此無能付臣以六條之法委臣以千里

之地况離石古郡洪河巨防官惟其人位不虛授內顧

一作
揣

庸劣將焉克堪誓當宣陛下之風達其堙鬱布陛

下之澤潤其枯槁少助神化微分聖憂然後退歸農畝

一作
違

避賢路臣不勝悃欵屏營之至

一作皆
唐類表